

SECUNDVS.

turum sit, malo re ipsa te experiri, quam
prædicare uerbis.

De definitionibus caput primum.

Proportio est duarum eiusdem generis
quantitatum, alterius ad alteram habi-
tudo. Ex hac definitione habes, duas in
proportione quantitates uel numeros, nã
de his nunc loquimur, esse necessarios,
quorum alter, antecedens uel dux, alter
consequens uel comes appellatur. Dicuntur
autem hi duo numeri proportionis termi-
ni seu radices.

Antecedens, est numerus qui præce-
dit, uel qui confertur ad alium. Conse-
quens, est numerus qui comitatur, uel ad
quem fit collatio.

Denominatio uero proportionis, est nu-
merus per quem proportio proposita as-
signatur, atque exprimitur. Hanc autem
manifestat unius terminorum in alterum
diuisio. Vel idem ut certius & exquisitius

G S tradamus